

REGIONAL NEWS

HIV

Tun dinhmunah Mizoram-ah HIV kai mi 19,536 an awm mek thu Health & Family Welfare minister Pi Lalrinpui-i'n a sawi.

HIV kai hi Aizawl District ah mi 10,981 awmin district malah an tam ber a, Champhai district-in dawtin mi 1,726 an awm a Kolasib district-ah mi 1,490 an awm bawk. Lunglei District ah HIV kai 1,363, Serchhip District ah 785, Lawngtlai District ah 715, Mamit District ah 693, Siaha District ah 642, Saitual District ah 444, Khawzawl District ah 436 leh Hnahthial District ah 261 te an awm bawk ani.

Tun dinhmunah HIV hrik kai zingah ART(Antiretroviral therapy) tha taka la mi 16,982 an awm ani.



CASH CROPS

Agriculture & Farmer's Welfare leh Cooperation changtu minister Pu P.C. Vanlalruata chuan Hmunphiah ro chu hi Sorkar-in empanelled buyer te kaltlangin kumin January thla atanga lei turin ruahmanna siam niin a sawi.

Pu PC Vanlalruata chuan kum 2024-2025 chhung hian Sorkarin hmunphiah lei a la nei lo niin a sawi a. Hmunphiah lei tur bika thlante chu - Hills Woodcraft Pvt. Ltd., Tuikual South, Aizawl, Safia Logistics Pvt. Ltd, Venglai, Kolasib, Estheri Enterprise, Luimawi, Mamit District, Mizoram Broom Industries, Dawrpui Vengthar, Aizawl, King Industries, Falkland, Aizawl, Mountain Bamboo & Natural Materials Society, Falkland, Aizawl leh LZ Juice, Melthum, Aizawl te an nih thu a sawi a, hmunphiah lakkhawmna hmun Collection Centre atana ruahmante chu Saipum, Vairengte, Tlabung, Marpara South, Phairuangkai, Thenhlum, Tlabung, Barapansury, West Phaileng leh Tuidam te a nih thu a sawi bawk.

Minister chuan Aieng tharchhuaktu ten a sawngbawltute (entrepreneur/processor) hnena an hralh theih nan Sorkar-in ruahmanna a siam tihpawh sawiin, aieng hi Sorkar-in a lei dawn lova, Sorkar chu a thartu leh a leitu tur te suih zawmtu (facilitator)-ah chauh a tang ani, a ti.

Mizo hmarcha ro-a atan hian sorkarin support price a pek theih hun chhung hi kumin January atanga March thla a nih thu a sawi a. Kuthnathawktu ten Mizo hmarcha hralhna an hriat loh chuan an pho ro ang a, Secondary Collection Centre 62-ah Primary Collection Centre kaltlangin lilam turin an pe thei a, a leitu (buyer) te'n Secondary Collection Centre-ah kg-a cheng 350/- aia tlawm a an lei chuan Sorkar-in cheng 350/- a tlin lohna zawng kha hmarcha chingtute (Support Price) a pe ang, a ti bawk.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Zanin dar 6 leh a chanve-ah Chanchinthar puan leh a ni ang.



BASKETBALL

Aizawl ITI Venga MLA Fund hmanga Basketball half Court cheng nuai 3 leh sing 7 senga siam chu bialtu MLA Pu Lalchhuanthanga'n a hawng.

Pu Lalchhuanthanga chuan,"ZPM chuan zirna, hriselna leh infiamnate an ngai pawimawh a, thalai zinga thiamna leh theihna nei tha tak takte an theihna hai chhuah sak an tum ruh hle niin a sawi a. Zirna, hriselna leh Infiamna chuthil kalkawp flat a ni tih sawiin, hemi kawnga hmasawna atan theihtawp a chhuah mek a ni a ti. MLA chuan thalai ruihhlo bawiha tangte chu ram pum huapa mutmawh hnar mawha neih tham a tling tawh ni a sawiin, infiamna leh kawng dang dangah ruihhlo la ti ve lote kawng dik lova an peng tur ven a pawimawh thu a sawi bawk a ni.



BIRTHS & DEATHS

Economics & statistics directorate chhinchhiah danin nikum chhung khan nausen 29,612 an pianga thi sa a piang 82 an awm a nikum chhung vek khan Mizoramah mi 8,683 an thi bawk..

Kum 2020 khan ram pumah Mizoram chu hlamzuih a thi (infant mortality rate) tlemna ber a zawna kum 2 a nihna a nih thu an tarlanga, Mizorama hlamzuih a thi hi naupiang sang khat zela 3 a nih thu Registrar General of India (RGI)-in Sample Registration System (SRS) report a tihchhuahah tarlan a ni . Hetih lai hian health department atanga thu dawn danin sorkar kum kal mek, 2024-2025 (April - December 2024) chhungin nausen kum 1 hnuai lam thi ,203 an awm a, heng zinga 137 te chu Neonatal Death (Ni 28 hnuailam) an ni a. Kum 5 hnuailam thi 265 an awm bawk. Hemi hun chhung vek hian nau chung a thi (raicheh) mi 15 an awm bawk a ni.



SUPREME COURT UPLOADS

Delhi High Court judge, Yashwant Varma chenna in-a sum tam tham tak hmuhchhuah nia sawi chungchanga in-house inquiry report chu nizan khan Supreme Court-in an website-ah a duh apiang chhiar theih turin a dah. Phek 25 a thui Report, Delhi High Court Chief Justice, DK Upadhyaya-a theh luhah hian India tangka kang bang thahnem tak hmuh anih thute, pawisa hmuhchhuah zan, March ni 14 Holi kut hman zana Justice Varma in kang thelh lai video leh thlalakte pawh a awm a ni.

